

刑案匯覽

刑案匯覽卷三十五

目錄

威逼人致死

圖姦犯姦之婦未成將婦殺死

圖姦犯姦之婦未成致婦自盡

撞破姦情刁姦不從本婦自盡

調姦犯姦之婦不從傷重自盡

強姦犯姦之婦不從傷輕自盡

強姦不從主使本夫毆死其妻

刑
強姦殺死本婦從犯加功未姦

強姦未成刃傷本婦自盡

強行圖姦不遂摔斃幼孩

調姦不從砍死氏姑

圖姦不從致傷本婦越日身死

圖姦男子不遂毆傷越日身死

強姦男子不從致令羞忿自盡

男子被人拍腿相謔羞忿自盡

親屬強姦殺死本婦加以梟示

調姦伊嫂致嫂因別故自盡

調姦外孫妻未成致外孫自盡

母舅調戲甥妻致氏自盡

調戲出嫁總麻表妹羞忿自盡

冒姦良婦未成致婦羞忿自盡

圖姦族女未成致令羞忿自盡

調姦未成致本夫羞忿自盡

圖姦未成復向威逼致婦自盡

調姦未成致婦趕拉跌斃

調戲婦女致本婦與本夫自盡

強姦婦女致本夫與本婦自盡

圖姦不從挾制逼斃一家三命

除姦盜外凡他事皆因事威逼

因姪調姦逃走吵鬧逼斃人命

因甥圖姦釀命捏姦教供圖脫

毆傷語言戲謔伊姊之人自盡

調姦和息復往吵鬧悔忿自盡

調戲褻狎婦女自盡具題請旌

調姦和息旁人穢詈追悔自盡

調姦經官責懲犯妻談論釀命

調姦寢息復慮到官露醜自盡

調姦寢息慮夫訟累追忿自盡

調姦和息被夫抱怨追悔自盡

調姦寢息肇釁致婦之父自盡

調姦寢息本夫疑姦自盡二命

調姦寢息聞罵心疑追悔自盡

調姦寢息被父毆罵氣忿自盡

誤抱誤推婦女羞忿追悔自盡

黑夜續姦誤摸同睡之女自盡

誤入婦女房內致婦嫌疑自盡

兵丁調戲額外委之妻自盡

覲面穢褻是否因事角口爲斷

並無他故覲面褻狎追悔自盡

覲面穢罵背地唱歌致婦自盡

背地閒談族婦之非致婦自盡

背地指名戲謔致婦聽聞自盡

背地疑談其妻不端致婦自盡

背地穢辱婦人致氏子自盡

口角牽罵其妻致夫疑姦殺妻

背地穢罵鄰婦致夫疑姦殺妻

口角牽罵轉述其妻氣忿自盡

取譬其妻賣姦致婦氣忿自盡

愚民語近褻狎總麻姪婦自盡

與夫爭詈牽辱鄰婦致婦自盡

褻狎出於無心婦女追悔自盡

拉手欲與理論致婦羞忿自盡

男女互鬪撕破女褲致婦自盡

婦女因被婦女穢罵氣忿自盡

撕褲羞辱竊禾之幼女自盡

被扭不期褪褲致婦羞忿自盡

撕破褲子採落陰毛致婦自盡

婦女懷妒穢辱鄰婦致令自盡

刑案匯覽卷三十五

威逼人致死

圖姦犯姦之婦
未成將婦殺死

陝督 題蕭押住圖姦犯姦之墜姐不從圖脫拒扎
墜姐卽時身死一案查律載罪人拒捕殺所捕人者
斬監候又例載強姦犯姦婦女未成將本婦立時殺
死者擬斬監候各等語至圖姦犯姦婦女及圖姦良
婦未成殺死本婦例內均無專條核其情節亦與罪
人拒殺捕人稍異檢查向來辦理圖姦良婦未成殺
死本婦之案係照強姦未成殺死本婦之例問擬誠

以既將婦女殺死其強暴情形已屬顯然故卽照強
姦定讞圖姦良婦未成殺死本婦既可引強姦殺死
之例則圖姦犯姦婦女未成殺死本婦亦應照強姦
未成殺死之例定擬惟律例究無明文卽科以拒捕
殺人之律罪名亦同一斬候秋審亦同一情實似仍
可隨時酌核辦理此案蕭押住因知李墜姐與高小
娃通姦該犯乘間向墜姐摟抱求姦墜姐不從揪住
該犯髮辮聲喊該犯畏懼順取小刀扎傷墜姐左後
肋鬆手轉身欲跑因墜姐揪住該犯衣服喊嚷該犯

情急圖脫轉身復用刀扎傷其左乳倒地卽時殞命
查該犯蕭押住圖姦犯姦之女李隆姐未成扎傷隆
姐立時身死其情實與強姦無異該省以例無明文
將該犯依罪人拒捕殺所捕人律問擬斬候固不若
竟引強姦犯姦婦女未成將本婦立時殺死擬斬監
候之例較爲切當惟罪名同一斬候毫無出入似尙
可酌量照覆奉

批所議甚允應存記此稿照覆

道光五年說帖

圖姦犯姦之婦
未成致婦自盡

晉撫 咨韓思伏調姦犯姦之婦鄭李氏致氏羞愧

自縊身死一案查犯姦婦女與良婦有別故定例因
姦殺傷犯姦婦女均於殺傷良婦罪名上減一等至
強姦圖姦犯姦婦女未成致令自盡從前例內均無
治罪明文有犯者均於良婦自盡絞候例上減一等
擬流迨嘉慶十四年本部纂修強姦殺死犯姦婦女
條例時以此等情節與其援例量減莫若纂定專條
隨將強姦未成致犯姦婦女自盡流三千里一條附
纂入例因所纂例文專就強姦一節而言故圖姦犯
姦婦女未成致令自盡新例仍未議及竊思例內但

經調戲致良婦自盡與強姦未成致良婦自盡同科
絞候則犯姦婦女自盡案內圖姦未成之犯亦應與
強姦未成者同擬滿流檢查嘉慶十三年陝西省晁
登甲圖姦曾經犯姦之劉惠氏未成致令投井身死
照但經調戲本婦自盡絞候例減等擬流經本部照
擬駁令具題完結又十五年廣西省文遵遠調姦曾
經犯姦之伍氏不從致令自縊身死照因姦威逼人
致死斬候例減等擬流本部照覆題結此二案引斷
雖未畫一而罪名則並無歧異此案韓思伏稔知鄭

李氏與李添保有姦夤夜推門入室調戲被鄭李氏
扭住撞頭該犯掌批其腴並嚷破姦情致鄭李氏因
姦敗露又被欺辱毆打羞忿自盡該省聲明該犯係
屬圖姦與強姦不同將該犯於強姦婦女未成致令
自盡流罪上減徒咨部該省祇於強姦圖姦情節強
爲區分而不知良婦自盡定例係不論強姦圖姦同
一縵首本無差別若如所議是同一圖姦未成而致
犯姦婦女自盡之犯較之致良婦自盡之犯竟得減
二等旣與例義有乖且以刁姦不從致令自盡之犯

竟與刁姦已成致令因姦敗露羞愧自盡之犯同科
滿徒亦無以昭平允該司議令改照但經調戲本婦
羞忿自盡絞監候例上減等擬流因係由死罪減等

駁令專本具題罪名洵屬允協

職

等復思從前因未

定有強姦犯姦婦女未成致令自盡之例故不論強
姦圖姦均照良婦自盡絞候本例上減一等擬流係
由死罪減等仍專本具題今既定有強姦犯姦婦女
致令自盡流三千里專條似可卽照此例科罪隨案
更正咨覆毋庸再行駁令專本具題以省繁牘

嘉慶二十四年說帖。此案卽改流咨結原案內稱查李氏之自盡由於韓思伏之欺辱並非因姦敗露所致應將李添保仍科姦罪

撞破姦情刁姦不從本婦自盡

直督 咨正犯病故冊內王米貴撞見王長春與王孫氏通姦欲向刁姦未成致王孫氏因姦情敗露羞愧自盡將王米貴比照強姦犯姦婦女未成致本婦羞愧自盡擬流例量減一等杖一百徒三年王長春

羞愧自盡擬流例量減一等杖一百徒三年王長春依姦婦因姦敗露羞愧自盡例杖一百徒三年

道光四年案

調姦犯姦之婦不從傷重自盡

雲撫 咨李發因向曾經犯姦之袁氏調姦不從將